

**JAVNA USTANOVA „APOTEKE SARAJEVO“  
UPRAVNI ODBORA**

**IZVJEŠTAJ**

**o radu Upravnog odbora JU „Apoteke Sarajevo“ za 2020. godinu**

**I UVOD**

Upravni odbor JU „Apoteke Sarajevo“ - nadalje u tekstu kao „*Upravni odbor*“, u 2020. godini svoju funkciju ostvarivao je u skladu sa Zakonom o zdravstvenoj zaštiti Federacije BiH („Službene novine Federacije BiH“, broj 46/10, 75/13), Odlukom Skupštine Kantona Sarajevo o preuzimanju prava i obaveza osnivača i usklađivanju organizacije i poslovanja JU „Apoteke Sarajevo“ („Službene novine Kantona Sarajevo“, broj 7/12), Statutom JU „Apoteke Sarajevo“ („Službene novine Kantona Sarajevo“, broj 4/14, 20/16 i 45/19), Poslovnikom o radu Upravnog odbora JUAS, te drugim zakonskim i podzakonskim aktima JU „Apoteke Sarajevo“, nadalje u tekstu kao „*JUAS*“.

U izvještajnom periodu djelovao je Upravni odbora JUAS imenovan Rješenjem Vlade Kantona Sarajevo broj: 02-05-27791-48.2/19 od 12.07.2019.godine, u sljedećem saživu:

R. br.	Ime i prezime	Svojestvo
1.	Dipl. iur. Avdo Gijiva	Predsjednik
2.	Mr. ph. Alfonz Filipović	član
3.	Mr. ph. Fatima Hadžismajlović - Bosiljčić	član
4.	Dipl. iur. Lejla Dumanjić	član
5.	Dipl. iur. Mersiha Čekić	član

**II AKTIVNOSTI UPRAVNOG ODBORA**

U izvještajnom periodu održano je ukupno 17 sjednica Upravnog odbora JUAS, od toga 14 redovnih i 3 vanredne sjednice.

Slijedom navedenog, vidljivo je da je Upravni odbor JUAS, u poteklom periodu vršio značajne aktivnosti iz djelokruga svoga rada.

Svi članovi Upravnog odbora su sjednicama prisustvovali redovno, nije bilo neopravdanih izostanka, niti je kvorum za odlučivanje bio doveden u pitanje.

Na održanim sjednicama Upravni odbor je:

- usvajao akte i odluke iz svoje nadležnosti;

- razmatrao i usvajao izvještaje i informacije iz svoje nadležnosti, te davao odgovarajuća mišljenja u skladu sa zakonom;
- donosio opće akte o unutrašnjem uređenju i sistematizaciji poslova i druge opće akte, saglasno zakonu i statutu JUAS;
- razmatrao i odlučivao kao drugostpeni organ o pravima iz radnog odnosa;
- davao ovlaštenja generalnom direktoru u skladu sa Statutom JUAS.

Na sjednicama Upravnog odbora, prije razmatranja utvrđenog dnevnog reda, generalni direktor i ostali saradnici su podnosili izvještaje o radu JUAS između dvije sjednice, sa prijedlozima aktivnosti za naredni period.

S tim u vezi, slijedi prikaz najznačajnijih aktivnosti Upravnog odbora u izvještajnom periodu:

- Usvajanje Programa rada i finansijskog plana JU "Apoteke Sarajevo" za 2020. godinu i utvrđivanje Plana poslovanja JUAS;
- Razmatranje Izvještaja o analizi poslovanja;
- Usvajanje Izvještaja Centralne popisne komisije JU „Apoteke Sarajevo“ o izvršenom popisu imovine i obaveza sa stanjem na dan 31.12.2019. godine;
- Plan javnih nabavki za 2020. godinu;
- Izmjene i dopune Plana javnih nabavki JUAS za 2020. godinu;
- Odluka o procjeni vijeka trajanja stalnih sredstava i obračunu amortizacije;
- Usvajanje Pravilnika službe za nabavku o poslovanju sa dobavljačima;
- Usvajanje Pravilnika o odobravanju finansijskih sredstava po osnovu edukacija, stručnih usavršavanja, službenih putovanja, pomoći, donacija i drugih vidova finansijskih izdataka;
- Razmatranje i donošenje Odluka kojim se odlučuje o pravima iz radnog odnosa;
- Pdošenje MZ KS Izvještaja za Deset najvećih dobavljača sa kojima je Ustanova ostvarila poslovnu saradnju u proteklom periodu;
- Usaglašavanje ugovora o pravima i obavezama koji proističu iz statusa predsjednika / člana Upravnog odbora JU „Apoteke Sarajevo“ sa Zakonom o ublažavanju negativnih ekonomskih posljedica i uštedama u Kantonu Sarajevo ("Službene novine KS" broj 18/20);
- Aktivnosti na proceduri pokretanja dobijanje prethodne saglasnosti za otvaranje Apoteke Hrasno Brdo;
- Informacija Ministarstvu zdravstva o odobrenim sredstvima za projekat zbrinjavanja farmaceutskog otpada iz domaćinstava;
- Odluka o otvaranju Pharma shop-a;
- Razmatranje poslovanja JU „Apoteke Sarajevo“.

Ciljevi Upravnog odbora u proteklom periodu bili su usmjereni ka:

- uspješnom i prije svega zakonitom poslovanju JUAS;

- jačanju pozicije JUAS na farmaceutskom tržištu i njenom što boljem osposobljavanju za tržišnu utakmicu;
- zakonitom provođenju procesa nabavki u skladu sa Zakonom o javnim nabavkama i drugim podzakonskim aktima;
- uspješnom izvršenju Plana rada i finansijskog poslovanja za 2020. godinu;

U cilju uspješnog poslovanja JUAS, Upravi odbor je donio niz akata i odluka koje su imale za cilj ostvarivanje uspješnog funkcionisanja JUAS i ostvarivanje što boljih rezultata poslovanja uz njen istovremeni kontinuirani razvoj.

#### **IV SARADNJA UPRAVNOG ODBORA I MENADŽMENTA JUAS**

Saradnja Upravnog odbora i Menadžmenta JUAS je bila kontinuirana i vrlo uspješna. Upravni odbor i Menadžment JUAS su poduzimali zajedničke aktivnosti u cilju profiliranja poslovne politike koja će osiguravati uspješno funkcionisanje kroz povećanje obima, kvaliteta i asortimana farmaceutske usluge te, unapređenje galenske proizvodnje.

Upravni odbor je u saradnji sa Menadžmentom JUAS zajednički nastupao prema Kantonu Sarajevo kao osnivaču JU „Apoteke Sarajevo“, Ministarstvu zdravstva Kantona Sarajevo i Zavodu zdravstvenog osiguranja Kantona Sarajevo, sa ciljem da ukaže na poteškoće i probleme sa kojima se susreće JUAS kao i da unaprijedi saradnju.

Bitno je istaći da je rad Upravnog odbora u izvještajnom periodu bio vrlo uspješan, te da su se sjednice odvijale u skladu sa planiranim aktivnostima. Također, sve odluke i zaključci su doneseni jednoglasno. S tim u vezi, treba naglasiti da je detaljan uvid u rad Upravnog odbora o svakom naprijed navedenom pitanju, kao i drugim pitanjima, o kojima je isti raspravljao i odlučivao, dostupan kroz zapisnike koji su uredno vođeni i kao i tonske zapise u skladu sa Poslovníkom o radu Upravnog odbora.

Aktivnosti Upravnog odbora u narednoj godini će biti nastavljene u pravcu nastavka započelih aktivnosti i realizacije ciljeva za 2021. godinu, kako bi ustanova nastavila sa uspješnim poslovanjem i zadržala leadersku poziciju na tržištu.

**Avdo Gljiva, dipl. iur.**  
**Predsjednik Upravnog odbora**

Broj: 01-01-767-4/21  
Sarajevo, 18.03.2021. godine